

摘藻堂四庫全書薈要

子部

欽定四庫全書薈要

子部

御定書畫譜卷三十八

詳校官兵部主事臣雷純



欽定四庫全書薈要卷一萬一千三百七十

子部

御定佩文齋書畫譜卷三十八

書家傳十七

元二

柯九思

柯九思字敬仲台州仙居人

見畫家傳

遇文宗於潛邸及即

位置奎章閣特授學士院鑒書博士凡內府所藏法書名畫咸命鑒定賜牙章得通籍蒙署流寓中吳又善鑒



識金石鼎彝之器時吳人陸友號為博物亦歎以為不及
徐顯稗史集傳

柯九思能詩文亦善書
書史會要

托克托

托克托字達約天歷元年襲授成製提舉司至正元年為

中書右丞相封鄭王
元史滿濟勅台傳

托克托能大字
書史會要

托克托善畫方殺酷似顏真卿
圭齋集

額森特穆爾

額森特穆爾

托克托弟

為御史大夫陝西行臺監察御史

元

史滿濟勤台傳

額森特穆爾亦能大字

書史會要

趙世延

趙世延字子敬其先永古特族人居雲中北邊天資秀發喜讀書究心儒者體用之學弱冠世祖召見入樞密院御史臺肄習官政授承事郎雲南諸路提刑按察司判

官天歷二年拜中書平章政事封魯國公改封涼國公

贈太保謚文忠

元史本傳

東嶽廟昭德殿碑天歷元年趙世延書

燕都遊覽志

李洞

李洞字溉之滕州人姚燧力薦於朝授翰林國史院編修官天歷初超遷翰林直學士俄特授奎章閣承制學士其為文章奮筆揮灑意之所至臻極其妙尤善書自篆隸草真皆精詣為世所珍愛

元史本傳

李洵書有晉宋家法

書史會要

布哈

布哈好讀書善書仁宗聞而召之應對稱旨欲以為翰林直學士力辭後以蔭補武備司提點天歷初除通政院判贈禮部尚書

元史楊多爾濟傳

哲呼台

哲呼台色目人寓居吳中登天歷元年進士善書法

姑蘇志

楊瑀

楊瑀字元誠錢塘人

六研齋筆記云自號竹西居士

警敏博學天歷間

召見奎章閣命篆洪禧明仁璽文稱旨署廣成局副使
終建德路總管謝政居松江之鶴沙趙仲穆為寫竹西

圖

松江志

多爾濟巴勒

多爾濟巴勒字惟仲年十四見文宗適將幸上都親閱御
衣命錄於簿顧左右無能書漢字者多爾濟巴勒引筆書

之命為尚衣奉御尋改工部郎中至元元年除翰林學士遷中政使拜中書平章政事喜為五古詩於字畫尤精

元史本傳

多爾濟巴勒官中政院使日嘗奉勅書鄧文肅公神道碑書史會要

杜本

杜本字伯原清江人博學善屬文隱武夷山中文宗徵之不起右丞相托克托以隱士薦召為翰林待制至杭州

稱疾固辭致書於丞相遂不行工於篆隸學者稱為清

碧先生

元史本傳

杜本有所編五聲韻自大小篆分隸真草以至外番書
及蒙古新字靡不收錄

輟耕錄

杜本工楷隸楷書結體謹嚴全具八法隸書學漢陽馥

碑

書史會要

杜公書方正嚴重如通經巨儒進止有法

陸友墨史

歐陽玄

歐陽玄字原功

陶宗儀云號圭齋

其先家廬陵遷居瀏陽延祐

二年進士授岳州路平江州同知召為國子博士至元

五年拜翰林學士承旨追封楚國公謚曰文元史本傳

歐陽玄行草略似蘇文忠而剛勁流暢風度不凡未易

以專門之學一律議之書史會要

馮子振

馮子振字海粟官至翰林學士雖不以書名其筆法似

宗黃山谷

劉璋書畫史

段天祐

段天祐字吉甫汴人官至江浙儒學提舉亦號能書

史會要

魏敬益

魏敬益字士友洛陽人官至臨江總管古隸學廬江太

守碑亦能篆書史會要

李孟

李孟號秋谷至元中為平章政事字法道勁

馬職潞州

志

智受益

智受益鄧州南陽人以善書負時望至元中擢荆湖行
省都事終兩浙轉運使

鄧州志

張德琪

張德琪字廷玉燕人草書學張長史行書亦佳

書史會

要

牛麟

牛麟字伯祥太原人大字尤為時所稱美

書史會要

趙鳳儀

趙鳳儀字瑞卿號怡齋汴人官至京畿都漕運使練達

吏治善扁榜大字

書史會要

傅若金

傅若金字汝礪新喻人官至廣東廉訪照磨長於詩正

書學歐陽率更

書史會要

劉聞大

劉聞大

與歐陽玄同時

永新龍母吳氏墓銘太常博士劉聞大

書

圭齋集

許有壬

許有壬字可用其先居潁後徙湯陰延祐二年進士第授同知遼州事至正十五年拜中書右丞轉集賢大學士善筆札工詞章謚曰文忠

元史本傳

蘇天爵

蘇天爵字伯修真定人釋褐授大都路薊州判官改翰

林國史院典籍至正七年拜江浙行省參知政事九年
為兩浙都轉運使為文長於序事詩尤得古法學者因
其所居稱之為滋溪先生

元史本傳

天爵書學趙魏公

書史會要

王都中

王都中字元俞福之福寧州人以恩授南劍路順昌縣
尹元統初以正奉大夫行戶部尚書兩淮都轉運使尋
拜河南行省參知政事贈昭文館大學士謚清獻自號

本齋 元史本傳

都中以廉介自持為政簡而不煩大字似其為人小字

亦善 書史會要

王畝 甫田集
作畦

王畝字季野都中子官至成都路判官清峻有高譽真

行草師二王度越流輩 書史會要

張翥

張翥字仲舉

陶宗儀云
號蛻菴

晉寧人以詩文知名一時至正

初召為國子助教以翰林學士承旨致仕

元史本傳

張翥蚤年書學鍾元常

書史會要

汪澤民

汪澤民字叔志婺源州人延祐五年登進士第授同知岳州平江州事至正三年召赴闕除國子司業與修史遷集賢直學士以禮部尚書致仕追封譙國公諡文節

元史本傳

澤民為文不事繪飾詩亦清婉尤以善書名家

潛溪集

貢師泰

貢師泰字泰甫寧國之宣城人泰定四年釋褐出身授
太和州判官擢應奉翰林文字至正十五年除戶部尚
書以文字知名 元史本傳

師泰楷書亦善 書史會要

台哈布哈

台哈布哈字魚善巴約特氏初名德勒布哈文宗賜以今
名年十七江浙鄉試第一明年賜進士及第授集賢修

撰至正十一年遷浙東道宣慰使追贈江浙行省平章
政事封魏國公謚忠介善篆隸溫潤道勁嘗重類復古
編十卷攷正訛字於經史多有據云

元史本傳

台哈布哈篆書師徐鉉張有稍變其法自成一家行筆亦
圓熟特乏風采耳常以漢刻題額字法題今代碑額極
高古可尚非他人所能及正書宗歐陽率更亦有體格
書史會要

烏古孫良楨

烏古孫良楨字幹卿號約齋元中書左丞字流麗在子

山伯機之間

程敏政篁墩集

余闕

余闕字廷心一字天心

青陽集云讀書青陽山自號青陽先生

廬州人元

統元年賜進士及第授同知泗州事俄召入應奉翰林

文字至正十七年拜淮南行省右丞追封幽國公謚忠
宣留意經術為文有氣魄詩體尚江左篆隸亦古雅可

傳元史本傳

余忠宣小字似不經意而豐處有褚遂良潦倒處有楊
景度林藻宣漫不經意於墨池者所能符合邪

紫桃軒

又綴

多通

多通高昌人自號石巖以世胄入官授直省舍人至正
十一年以平章政事行省江西加大司徒開府謚忠烈
元史本傳

多通工大字能作雙鉤書

書史會要

伯勒齊爾布哈

伯勒齊爾布哈字大用楊珠吉達氏授懷遠大將軍八
番宣撫司達噲噶齊至正二年拜江浙行省左丞相召遷
除翰林學士承旨拜中書左丞相七年進右丞相追封

冀王謚忠宣

元史本傳

伯勒齊爾布哈善大字

書史會要

巴延布哈德濟

巴延布哈德濟字蒼涯

書史會要作蒼巖

輝和爾氏高昌王孫

個儻好學初以父蔭同知信州路事又移建德路以功陞本路總管至正十七年擢江東道廉訪副使謚曰桓敏

元史本傳

巴延布哈德濟鮮于太常甥草書似舅氏

書史會要

强通

强通字明德喀爾氏早以勲臣子孫受知仁廟至正二十年拜陝西行省左丞相

元史本傳

强通器量弘重政教宣著善大字

書史會要

達實特穆爾

達實特穆爾

陶宗儀作特穆爾

字九成入國學為諸生讀經史

悉能通大義尤好學書初以世胄補官為太府監至正

十五年為中書平章政事出為江浙行省左丞相陞右

丞
元史本傳

達實特穆爾能書大字學釋溥光小字亦有駱力

書史

會要

實喇卜

實喇卜字敬臣

陶宗儀云字惟中

號山齋輝和爾人順帝之師也

陶宗儀云官至

集賢大學士

能詩文兼工大字每與張翥論文翥多

屈服續弘簡錄

孟栻

孟栻字叔敬博學有為至正初當路舉以儒試吏遷處州專司學校調温州以浙東宣慰副使僉都元帥府事致仕更名主一精篆書得者寶之秦夔無錫志

石巖

石巖字民瞻京口人官至縣尹隸書學韓尚書書史會要

李敏中

李敏中字好古河南人官至陝西行省郎中工大字書史會要

張璪

張璪字公弁保定人官至集賢大學士封滕國公早以才學知名篆書亦淳古可取書史會要

倪中

倪中字中愷信州人官至翰林待制正書端謹清潤書

史會要

高翼

高翼字茂之南陽人官至嘉興路推官正行草書皆從
晉宋規矩中來但以不知六書偏傍時作謬字為識者
所鄙耳

書史會要

翼善書小楷倣樂毅論精悍整飭在揭傒碩之下所傳

極少 六研齋筆記

汪從善

汪從善字國良杭州臨安人官至邵武路總管正書亦合晉人紀律兼能大字 書史會要

任仁發

任仁發字子明號月山松江人 見畫官至浙東宣慰副家傳

使書學李北海 劉璋書畫史

宗椿

宗椿字壽卿山東人官至江南行臺照磨書學王黃華

尤工大字

書史會要

余謙

余謙字峻山池陽人官至江浙儒學提舉善古隸

書史

會要

謝子龍

謝子龍字雲從力學無所不窺文章典實詩亦溫麗兼

工隸書至正中辟分教郡庠

林應標惠安縣志

孟昉

孟昉字天緯

書史會要作天暉

本西域人寓居北平至正中由

翰林待制官南臺御史工書法

續弘簡錄

劉楨

劉楨字廷幹燕南人官至福建行省參政能書

書史會

要

胡益

胡益字士弓鄱陽人官參知政事真草師趙魏公都下

碑刻多其所書

書史會要

羅元

羅元字迂仁平江人行楷有晉人風致

書史會要

錢良佑

錢良佑字翼之平江人吳興趙公巴西鄧公數引拔之
署吳縣儒學教諭已代去輒不復出晚自號江邨民人
因以江邨先生稱之古篆隸真行小草無不精絕

黃文

獻公集

錢良佑至正間以書學名家

甫田集

良佑行書高朗卓越風格不讓鮮于困學六研齋筆記

張性之

張性之

錢良佑壻

好古博學暇則臨池日不下千餘字雖造

次顛沛一點一畫不苟駸駸逼翼之而窺古人之域鐵

網珊瑚

吳壽民

吳壽民字仲仁與吳中文士倡和詩辭旨清麗書法道

美悉出錢良佑翼之所授也

甫田集

崔晟

崔晟工篆隸

徐一夔始豐藁

浦源

浦源長洲人至正間仕至大中大夫廣平路總管輕車都尉封京兆郡侯景德寺旁石刻乃源為同僉阿扎克喇實人童氏祠記其文宏博怪特字畫遒勁足為名家

蘇

州志

吳里

吳里字處仁號逸民錢塘人官至江陰州儒學教授草
書師鮮于太常

書史會要

劉惟一

劉惟一篆書朝元觀碑用筆古勁有碧落遺意盛時泰
玄牘記

宣昭

宣昭字伯綱號艮齋漢東人有雅行博通古今尤精翰

墨正書師歐陽率更字字該備八法

書史會要

鄭杓

鄭杓字子經羅源人泰定中辟南安儒學教諭與陳旅為文字友著行極五篇行極記載三篇其書自倉頡迄蒙古凡古人籀篆以極書法之變皆在所論宣撫使齊伯亨采而上之作行極堂以藏其書

何喬遠閩書

鄭杓能大字兼工八分

書史會要

余襄

余襄番易人工篆而大字尤善

書史會要

程君寶

程君寶灤源人草書有顛素之體

書史會要

王翼

王翼字元徽號華陽生金壇人有所篆四書行於世

書

史會要

應在

應在字止善句章人工篆嘗作篆隸偏傍點畫辨行於

世書史會要

吳炳

吳炳字彥輝汴人身安畎畝朝廷三聘不起工篆書
史會要

漢淮源廟碑漫漶不可讀杜昭守唐州乃延吳炳參用
漢隸釋書舊文於石而刻之

弇州續藁

邊武

邊武字伯京隴西人行草專學鮮于太常時有亂真者

書史會要

邊定

邊定字文靜

邊武子

正書學宣昭亦稱善

書史會要

俞鎮

俞鎮字伯貞嘉興人官至建德縣尹行草師李北海

書

史會要

董復

董復字君復沂州人居鎮江書學鮮于太常

書史會要

李申伯

李

闕其名

字申伯江右人官至集賢待制古隸專學孫叔

教碑得方勁古拙之法

書史會要

林鏞

林鏞字叔大嘉興人官至江浙行省員外郎正書學虞

永興而未熟

書史會要

王務道

王務道字弘本山陰人古隸學孫叔教碑

書史會要

吳志淳

吳志淳字主一曹南人

列朝詩集云歷官靖安都昌二尉簿除待制翰林

古隸

學孫叔教碑

書史會要

洪恕

洪恕字主敬金華人元末避兵居松江能詩善行草書

以講授終

松江志

洪恕始學鮮于太常亦號能書後乃放乎法度之外無

足觀矣

書史會要

胡布

胡布字子申河南人

書學傳授云一字建民盱江人

有材氣善草書

書

史會要

胡布得書法於宋克或謂與宋克同受學於紹興老僧

解縉書學傳授

曹桡

曹桡字子學東平人善古隸

書史會要

陳遠

一作達

陳遠字元達永嘉人官至崇文少監太子贊善志行修整真草師二王不以規矩

書史會要

鄭禧

鄭禧字熙之吳郡人亦善書

書史會要

朱振

朱振字良玉番禺人草學聖教序真師趙魏公

書史會

要

蔣惠

蔣惠字季和號紫芝山人番陽人博學多通機敏有幹
行草師鮮于太常多晉人氣格書史會要

楊遵

楊遵字宗道浦城人徙居錢塘篆隸皆師杜待制書史會要

王默

王默字伯靜一字子章松江人善談論喜讀書徵至京
師書金字釋典擬官翰林力辭歸求書者填戶張天雨

稱其豪宕不羈有姜白石之風

松江志

王默書學趙魏公行筆甚健

書史會要

王餘慶

王餘慶字叔善婺州蘭溪人仕為江南行臺監察御史

以儒學名重當世

元史吳師道傳

餘慶草書學嶮正齋甚似

書史會要

王順

王順字祖孝餘慶子善正書

書史會要

繆貞

繆貞字仲素常熟人善篆隸真行書好古博識隱居不仕善八分小篆追蹤張有正書尤高古致道觀虞山福地四篆字李烈士碑隸書其蹟也旁有正書題識尤佳所著有書學明辨

鄧戟常熟志

繆侃

繆侃字叔正

貞子

詩工玉臺小體書善楷隸

玉山草堂雅

集

鄔進禮

鄔進禮字行義武陵人書師趙魏公書史會要

張體

張體字孟庸江陰人隸書時作顫掣勢蓋學李重光金錯刀法而行楷亦善又雙鉤書極純熟可喜書史會要

陳睿

陳睿字思可會稽人學藝妍贍真楷宗智永書史會要

唐志大

唐志大字伯剛如臯人多蓄古法書名畫行草落筆峻
激畧無滯思

書史會要

曹永

曹永字世長松江人穎悟好學尤工八法至正間以蒙
古字學進除安州學正官至巡檢江浙行省辟為宣使

松江志

曹永正書學鍾元常行草學二王

書史會要

黃中

黃中字彥美武陵人草亦可尚

書史會要

歐復

歐復字伯誠番禺人善古隸

書史會要

易履

易履字安道茶陵人能草

書史會要

葛萬慶

葛萬慶廬山人居越中號越臺洞主能為詩務出人不
道語善草書酒酣落筆愈得其妙

書史會要

衛德辰

衛德辰字中立華亭人素以材幹稱書學舍利塔銘書

史會要

衛仁近

衛仁近字叔剛德辰姪楷書學黃庭經蘊藉有風致書

史會要

章弼

章弼字共辰松江人篤志經史識度清遠未十歲即能

扁榜大字及長真行草篆皆師趙魏公

書史會要

陳德永

陳德永字叔夏黃巖人德望清重書宗李北海

書史會

要

范守中

范闕其名字守中黃巖人博綜羣籍才行高潔書師趙魏

公州里碑碣所書為多

書史會要

楊彝

楊彞字彥常錢塘人登進士第官至翰林編修篆隸正書咸可取

書史會要

楊惠

楊惠不知何許人嘗任江南行臺監察御史善大小二

篆

書史會要

龔觀

龔觀豫章人能篆

書史會要

陶煜

陶煜字明元號白雲漫士上虞典史贈承事郎福建江西等處行樞密院都事早歲學書於雪菴得其典則書史會要

陶復初

陶復初字明本號介軒老人台州儒學教授贈從事郎温州樂清縣尹小篆師徐張古隸師鍾梁書史會要

陶宗暹

陶宗暹一名文昭字晉生江淞等處儒學副提舉楷書

學歐陽率更書史會要

盛熙明

盛熙明其先曲鮮人後居豫章清修謹飭篤學多材工翰墨亦能通六國書至正甲申嘗以所編法書考八卷進上覽之徹卷命藏禁中

書史會要

劉若水

劉若水字澹齋女直人喜弄觚翰

書史會要

劉堧

劉垓字公坦

陶宗儀云
若水子

童時趙子昂賞其秀異書小齋

二字貽之遂自號小齋工詩文精書法恬放自守至正

間帥府照磨不久謝歸

列朝詩集

劉垓亦能篆

書史會要

蕭搏

畫史會要
作鵬搏

蕭搏字圖南本契丹人金王黃華甥博學多能詩書畫

皆追蹤舅氏

書史會要

甘立

甘立字允從河西人官至中書檢校才具秀拔亦善筆
札書史會要

鄂約拉卜都

鄂約拉卜都字克莊西夏人官至山南廉訪使以文章事

業著書蹟亦佳書史會要

薩都拉

薩都拉字天錫回紇人登進士第官至淮西廉訪司經

歷有詩名善楷書書史會要

布哈特穆爾

布哈特穆爾字兼善蒙古人官至江南行臺御史大夫

善大字

書史會要

喀爾布哈

喀爾布哈字普修葉爾羌人官至海北廉訪使篤志墳

籍至於百氏數術無不研覽書宗二王

書史會要

巴克實

巴克實字彥卿克呼人官至禮部尚書行草宗晉人書

史會要

容桑

容桑字子仁回紇人登進士第官至江浙行樞密經歷
楷書師虞永興書史會要

烏蘭哈達

烏蘭哈達蒙古人官至淮南行省平章嘗奉勅書平徐
碑書史會要

錫沙

錫沙字近仁輝和人官至集賢都事亦工書

書史會要

葉雲鵬實勒

葉雲鵬實勒字處元輝和人楷書學虞永興而不熟書

史會要

瓜爾佳希顏

瓜爾佳希顏居江右小篆清勁有法

書史會要

馬九臯

馬九臯以字行回紇人官至太平路總管能篆書

書史

會要

馬九霄

馬九霄九臯弟亦能篆書

書史會要

松壑

松壑以字行蒙古人士大夫間多推其書

書史會要

邊魯

邊魯字魯生鄴下人

見畫工家傳

古文奇字

書史會要

劉有定

劉有定字能靜

林承霖莆陽詩編云號原範

莆田人能知六書之旨

書史會要

謝庭芝

謝庭芝字仲和號雪村善書詩亦工

常熟志

陳仁壽

陳仁壽字景禮上虞人應寫金字經

孔行素至正直記

舒頔

舒頔字道原績溪人至元丁丑辟池陽教諭至正庚寅

轉台州學正為詩蒼古不貴纖巧習字尤喜樸拙識者
曰宗漢隸非八法也名其齋曰貞素學者稱曰貞素先
生

列朝詩集

舒頔自作貞素先生傳云風清晝閑或篆隸數章意與
筆悟則快然自得雖不逮斯繇然時人亦莫予解

貞素

齋集

韓與玉

韓與玉浙人能書廼賢長於歌詩王子充善古文人目

為江南三絕 續弘簡錄

徐仁則

徐仁則字伯敬世為明之奉化大族早孤奉母鞠弟至行有聞於時家貧益自勵嗜字學有能名王公碩儒皆

慕重之 廼賢金臺集

桂梓

桂梓字材甫饒之安仁縣人幼而機敏不隨常兒嬉狎刻意工字畫 侯菴集

林春山

林春山號漫翁著草韻清臞峭勁精密妙巧盤旋迴幹

字字中度

黃洲四如先生文藁

趙杰

趙杰吳興人趙魏公之後行楷宗家法

劉璋書畫史

鄭琮

鄭琮字叔方書法得鍾繇筆意一時號能書

鄭玉師山集

汪罕

汪罕官主簿工書善畫所至醉墨淋漓人爭取之以為

奇玩

師山集

陳穎達

陳穎達官太常善飛白書

陳高不繫舟漁集

王子玉

王子玉筆工也兼能書

周權此山集

上官叔權

上官叔權善篆隸

雪坡集

湯彌昌

湯彌昌字師言吳郡人博學能文初授長洲教諭鄱江清獻兩書院長轉建寧路教授

袁易靜春集

湯彌昌善書

詹氏小辨

堵簡

堵簡字無傲能書畫為浙省掾

張紳元賢翰劄疏

王櫛

王櫛字公玉嵯縣人操行端慤能詩文且工篆楷

戴冠

紹興志

楊元正

楊元正吉水人官翰林檢討善行草書其隸法師蔡邕
為時所重

續弘簡錄

李康

李康字寧之桐廬人事母篤孝人稱李孝子工詩文旁
及書畫琴奕無不冠絕一時行省宰臣欲官之以母老

辭

續弘簡錄

程大本

程大本雪樓文憲公子官至奉直大夫祕書監常與馮道恭書度人經其父跋之劉璋書畫史

高暹

高暹蜀人

見畫家傳

善草書

詹同天衢舒嘯集

申屠澂

申屠澂字敬仲諸暨人受業黃文獻公之門得其淵源

工古文辭精篆籀小楷足配秦晉

孫鑛紹興志

翟炳 王鼎 賈竹

翟炳字欽夫林州人詩效樂天體尤善楷書道勁可法
與同邑王鼎字大鼎賈竹字彥清俱工翰墨能詩隱居
不仕時稱林慮三隱人 續弘簡錄

柴貞

柴貞南和人為晉寧州學正善楷書古篆 翟濟遠南和

縣志

朱旭

朱旭字子陽為中顯校尉海道千戶不樂仕進退居田

間從士大夫遊通經史工小楷篆隸

太倉州志

成廷珪

成廷珪字元常興化人種竹數竿號居竹養母甚孝博

學工書

興化志

劉堪

劉堪字子興嘉善人至正間隱居讀書工文辭尤善古

隸

章士雅嘉善志

馮寅賓

馮寅賓屬文蒼古峭拔書法清勁逼鍾王

尹臺永新縣

志

王得貞

王得貞字義方霍州人至正間為懷慶路總管攻詩有聲書得草聖之妙

山西通志

程祺

程祺字子相新城人日記萬言詩篇敏給工書欲與鮮

于樞抗衡趙孟頫相高下 王材江西新城志

楊剛中

楊剛中書篆閭丘公祠記雖未足名家而能規模吳興
墨林快事

劉仁本

劉仁本 順帝時人 元至正修學記劉仁本撰書字意道媚清

脫甚可愛 墨林快事

范庸

范庸

順帝時人

謁司馬溫國公墓詩至元改元洞羊後學范

庸書

求古錄

趙穀

趙穀

順帝時人

謁中鎮崇德應靈王廟詩正元元年秋奉議

大夫太常禮儀院判官趙穀用宋太常博士陳綱韻并

書

求古錄

顧游

顧游

順帝時人

孔穎達碑螭首嵌空處有至正四年三月顧

游特看此碑墨書十二字積泥土中拭視如新石墨鐫
華

莊文昭

莊文昭順帝時人都城隍廟碑立於至正四年九月余闕撰

文莊文昭書緇素錄

王敬方 吳鐸

王敬方吳鐸順帝時人至正七年褒封水記中奉大夫甘肅

等處行中書省叅知政事王敬方述并書中奉大夫江

南諸道行御史臺副御史吳鐸篆額

續吳郡志

葛裡

葛裡

順帝時人

大都崇國寺重建碑至正十一年大竹林寺

沙門雪澗法楨撰奉訓大夫中書刑部侍郎葛裡書

日

下舊聞

歐陽光

歐陽光

順帝時人

武略將軍大都路都總管府判官宋侯墓

碑至正十四年翰林學士承旨歐陽光書

固安縣志

朱桓

朱桓

順帝時人

贈畫師朱叔重序至正十五年大梁朱桓書

鐵網珊瑚

劉彥明

劉彥明

順帝時人

魏泰咸陽懷古詩石刻至正二十年縣尉

劉彥明書

王家瑞咸陽金石遺文

御定佩文齋書畫譜卷三十八

謹案卷三十八第一頁後五行達約舊作大用今改

後六行滿濟勒台舊作馬札兒台今改後仿此

二頁前六行永古特族氏舊作雍古族氏今

改三頁前五行揚多爾濟舊作楊朶兒只今改

九頁前七行巴約特舊作伯牙吾台今改

又德勒布哈舊作達普化今改十一頁前二

行楊珠吉達舊作燕只吉解今改前三行達


嚕噶齊舊作達魯花赤今改又輝和爾氏舊

作畏吾兒氏今改 十二頁前二行特穆爾舊

作帖木兒今改 十六頁後六行阿札克喇實

舊作阿札刺室今改 前八行克呼舊作凱烈





總校官庶吉士臣張能照

校對官庶吉士臣陳墉

謄錄監生臣薛翰

欽定四庫全書薈要

子部

御定書畫譜卷三十九

詳校官兵部主事臣雷純



欽定四庫全書薈要卷一萬一千三百七十一

子部

御定佩文齋書畫譜卷三十九

書家傳十八

元三

楊維禎

楊維禎字廉夫號鐵崖會稽人擢進士第署天台尹陞
江西儒學提舉避地富春山徙錢塘張士誠累招之不
往行草書雖未合格然自清勁可喜

劉璋書畫史

鐵崖不以書名而矯傑橫發稱其為人 懷麓堂集

倪瓚

倪瓚字元鎮無錫人

見畫家傳

強學好修性雅潔所居有閤

名清閔喬木修篁蔚然深秀故自號雲林雅趣吟興每發揮於縑素間蒼勁妍潤尤得清致晚益務恬退黃冠

服浮遊湖山間

周南老雲林先生墓志銘

倪先生人品高軼其翰札奕奕有晉宋人風氣

甫田集

倪瓚書從隸入輒在鍾繇薦季直表中奪舍投胎古而

媚密而疎

徐渭丈長集

雲林書師大令無一點俗塵

何良俊四友齋叢說

倪元鎮書學楊義和黃素黃庭

六研齋筆記

王蒙

王蒙字叔明號黃鶴山樵

見畫家傳

吳興人趙文敏公之甥

強記力學作詩文書畫盡有家法

玉山草堂雅集

黃鶴山人書當不在趙魏公下

匏翁家藏集

吳鎮

吳鎮字仲圭號梅花道人嘉興魏塘人

見畫家傳

善書畫為

人抗簡孤潔高自標表

孫作滄螺集

仲圭草學誓光

書史會要

梅道人書作藏真筆法古雅有餘

六研齋三筆

顧德輝

顧德輝字仲瑛別名阿瑛崑山人舉茂才署會稽教諭力辭不就隱嘉興之合溪自稱金粟道人至元之季子元臣為水軍副都萬戶仲瑛封武略將軍飛騎尉錢塘

縣男 列朝詩集

金粟道人顧君墓志銘至正戊戌顧阿瑛自製并書

朱

珪名蹟錄

金粟手筆未得多見行楷楚楚奄有洛神畫贊風軌

六

研齋二筆

崔彥輝

崔彥輝錢塘人號雲林生與王蒙俱吳興趙氏甥隱居

賣藥善篆隸詞賦

陳善杭州志

陳方

陳方字子貞京口人寓於吳鄭明德張伯雨倪元鎮皆
與之游晚主無錫華彥清家後不知所終劉鳳續吳先
賢讚

陳方善書

詹氏小辨

王逢

王逢字原吉

江陰志云
號梧谿子

江陰人避亂於淞之清龍江復

徙上海之烏涇築草堂以居自號最閒園丁張氏據吳

大府交辟堅卧不就

列朝詩集 顧起綸國雅云王逢號席帽山人

原吉才氣俊爽其屬辭於詩尤長作行草初非經意大

率具書家風範

書史會要

李祁

李祁字一初號希遠又號危行翁茶陵人李齊榜進士

為江浙儒學副提舉楷法精甚大書行草亦道逸含古

意

懷麓堂集

李位

李位祁子李東陽書雲陽集後云希蘧府君詩文集十
卷家有舊本題云男位編集字畫瘦勁有家法

懷麓堂

集

錢惟善

錢惟善字思復錢塘人號曲江居士又自稱心白道人
官至副提舉張氏據吳退隱吳江之筒川工書法其卷
冊多留傳人間

續弘簡錄

陳岳

陳岳字申甫不著里籍隱居天台委羽山善書畫

陸樹

聲學士題跋

盧彥昭

盧彥昭海虞人元季嘗從楊鐵崖游詞翰皆清雅可觀

自號絲桐老人

匏菴家藏集

吳毅

吳毅富春人鐵崖門人以詞翰名家

甫田集

張玄度

張玄度好學工詞翰

雲林集

張遜

張遜字仲敏姑蘇人

見畫家傳

博學善屬文書畫俱絕

玉山

草堂雅集

李元珪

李元珪字廷璧河東人書法如困學

玉山草堂雅集

李廷璧作行草勁爽可愛

詹東圖玄覽

呂誠

呂誠字敬夫吳之東倉人幼聰敏喜讀書尤精楷法

王

山草堂雅集

沈明遠

沈明遠

與顧德輝同時

玉山草堂春暉樓綠波亭吳興沈明遠

隸顏

玉山名勝集

馬孟昭

馬孟昭

與顧德輝同時

玉山雅集詩序云今夕之會誠不易得

趙善長秉筆作圖余索孟昭楷書以識

玉山璞藁

熊夢祥

熊夢祥字自得江西人通羣書旁曉音律能作數體書以茂才舉教官輒棄去放意詩酒游淮浙間卜居婁江上自號松雲道人與顧仲瑛為忘年交

錢肅樂太倉州志

郭囉元賓

郭囉元賓累官監杭郡善書治蹟多可稱焉

梧溪集

圖列圖

圖列圖字敬夫尼固爾氏燕山人年甫冠及第授集賢修

撰累遷南臺御史

梧溪集

圖列圖善大字

書史會要

李介石

李介石字守道以書見省臣命草符檄遂器重之授松

江府提控按牘從守鎮江王逢有寄李守道詩云西湖

有奇士少負不羈才酒外嗜八分席地畫青苔

梧溪集

介石以儒術飾吏事亦能古隸

書史會要

張樞

張樞字夢辰陳留人徙家華亭工行楷日與子弟數十人講春秋或勸之仕不應人以是高之稱曰林泉民列

朝詩集

陶南邨贈夢辰詩云寫書竹簡拈鮮碧臨帖藤箋搨硬

黃南邨集

任序

任序字本初學古近體詩句法圓熟興趣清遠臨歐陽

率更帖尤得其筆意

汪克寬環谷集

藍仲晦

藍仲晦書三體千文清健雅麗沈著痛快篆得古意草
隸無一脫法無一敗筆

吳海聞過齋集

張梅間

張梅間出劉桂隱先生之門工吟咏尤善行草書

周震

震石初集

趙良弼

趙良弼字君卿東平人

見畫家傳

補嘉興路吏遷調杭州能

書鍾嗣成錄鬼簿

楊晉

楊晉字昇之學顏書頗整巧鐵網珊瑚

魏雲瑞

魏雲瑞字祥卿鄂之蒲圻人善學米南宮書得之者如

獲拱壁潛溪集

戴士珪

戴士垚字仲積婺浦江人喜作唐古體詩工晉楷法

潛

溪集

張明卿

張明卿字子晦天台人為文章有臺閣體游戲翰墨筆

法穠逸可玩

潛溪集

葉孝墅

葉孝墅世居天台雅志好學善楷書煉金石草木為丹

劑稱精妙

陳基夷白齋藁

楊翮

楊翮字文舉金陵人元末提舉江浙學校楊孟載悼楊
文舉詩云八分書古追東漢七字詩工到盛唐

眉菴集

徐恢祖

徐恢祖常熟人至正末嘗集鄉兵捍閭里里人賴之別

號春軒工草書

篁墩集

邵光祖

邵光祖字弘道博學好古於字學尤精研窮六書之旨

有以先賢康節子孫論薦於朝不報張士誠據吳授湖州學正亦不赴以布衣終其身

張昺吳中人物志

孫華

孫華字元實永嘉人僑居華亭誦經考史以博雅聞尤好岐黃家用薦為醫學教授好修潔所居小閣列古彝鼎法書名畫焚香靜坐終日書非佳墨熟紙不作

列朝詩集

俞庸

俞庸字子中華亭人仕為推官書法趙吳興

列朝詩集

沈性

沈性字自誠吳興人少孤養母以孝聞善吟唐人詩工

八分小篆

列朝詩集

李世英

李世英字伯英長洲人精書學作韻類其義以字為本
音為幹義訓為枝葉自一而二井井不紊凡十年而成

書

蘇州志

王璫

王璫字仁仲吳縣人學有淵源工詩章書翰尤善鼓琴
隱居不仕自號城南逸民

吳中人物志

朱燧

朱燧字子新吳郡人勵志苦節工為詩詞尤善行草肆
情山水遇酒輒醉僑居笠澤之濱後不知所終

吳中人

物志

王興祖

王興祖

順帝時人

至正六年池州路徙建憲司分治記王興

祖隸書

玄牘記

邵祖義

邵祖義官池州學錄能詩工篆隸

顧清松江志

范寧

范寧善楷書

馮暉徐州志

李希文

李希文任伴讀精篆隸

歐陽東鳳興化縣志

張端

張端字希尹江陰人博學能文有詩才尤精書翰動止雅飭有儒者風度家於溝南鄉人稱為溝南先生累官江浙行樞密院都事海鹽判官

常州志

程政

程政績溪人

見畫家傳

能詩工書

徽州志

烏延思敬

烏延思敬字子敬色目人寓居東平自稱齊東野老善

書法精於賞鑒

山東通志

張如遇

張如遇東昌人七歲能書大字有司薦於國學

山東通

志

周起巖

周起巖福山人博覽經史尤長於書屢舉不第隱居邑

北村

山東通志

沈右

沈右字仲說號寓齋故吳中富家其文學行誼皆有足重而出處之跡不少槩見書法最精

甫田集

朱珪

朱珪字伯盛吳人工古篆籀精於六書之義

鐵網珊瑚

珪從吳叡授書法凡三代金石靡不極意規倣

蘇州志

顏耕道

顏耕道平江人博古工於詩尤善草書隱居以詩自娛

築室黃山號林泉野老

湖廣通志

褚奐

一作英非

褚奐字士文

一作士父

錢塘人篆隸專學吳睿惜其不能以

古人為師伎遂止於此耳

書史會要

元崑山州重修學宮碑至正二十一年楊維禎撰將仕

郎杭州路海寧州判官褚奐書并篆額

名蹟錄

陳邁

陳邁

與楊維禎同時

元武林弭菑記天台縣尹楊維禎撰江浙

儒學副提舉陳邁書

廖瑜杭州府志碑碣目

余詮

余詮

與楊維禎同時

元故殷處士墓碣至正廿三年會稽楊維

禎撰豐城余詮書

名蹟錄

陸定龍

陸定龍

未詳何時人

汪硠玉元名公翰墨卷有谷陽陸定龍

書

珊瑚網

高明則

高明則字誠甫永嘉人元名公翰墨卷有高明則書

冊

瑚網

高昉

高昉未詳何許人官至中書右丞常篆江右蕃君廟碑

額書畫史

孔叔平

孔叔平未詳何許人嘗為史官能古隸書畫史

唐懷德

唐懷德字思誠婺州人嘗為衢路學錄精字學得虞伯施

法有書學指南傳世

書畫史

王堅

王堅字學周號坦坦道人松江人書蹟宗趙魏公

書畫

史

曹本

曹本未詳何許人善篆書

書畫史

朱宜民

朱宜民不知何許人工隸書

書畫史

趙衷

趙衷字原初吳江人世本業醫能篆隸號東吳野人

書

畫史

完顏子周

完顏子周末詳何許人居吳興之雲溪工篆書

書畫史

張裔

張裔字朝宗能真草

書史會要

湯熒

湯熒號箕山瀏陽人進士及第能篆

書史會要

陳子翬

陳子翬字象賢奉化人負器幹精藝文書法李邕嘗為

慶元路教諭

寧波府志

陳子翬兼工草

書史會要

張文盛

張文盛字彬之秣陵人長於詩工草隸

書史會要

王奇

王奇字文顯潞州人作草間有可取者

書史會要

莫昌

莫昌字景行武林人隸亦古拙

書史會要

艾斐

艾斐字季成臨川人博學多才善隸書

書史會要

鄒偉

鄒偉字元偉南昌人學藝淵博善真草篆隸

書史會要

張去偏

張去偏字從正餘干人有學行善真草

書史會要

范居中

范居中字子正武林人亦工筆札

書史會要

杜從訓

杜從訓字義方鄆城人官至江陰州尹書效蘇黃

書史

會要

張伯仁

張伯仁字至道閩人善篆及行草

書史會要

鄭炳

鄭炳字元炳餘姚人書蹟似晉人

書史會要

汪正

汪正字大雅四明人工八分書

書史會要

李林

李林字九臯錢塘人古隸學受禪表

書史會要

陳謙

陳謙字伯謙天台人正書師虞永興

書史會要

王禮

王禮字禮仲揚州人篆宗張謙中

書史會要

何仲章 吳志行 呂中立 鄧學可

陳宗亮 卓習之 朱俊卿 徐子愚

何仲章吳興人吳志行錢塘人呂中立會稽人鄧學可
維揚人陳宗亮諸暨人卓習之慶元人朱俊卿武陵人
徐子愚嘉禾人皆留心翰墨有聲於時

書史會要

張童子

張童子闕中人七歲能作字至徑丈者緊結勁正骨肉
相副筆力千鈞類非童子所到不言其人雖以為老於
書者可也

蒲道源順齋集

周伯琦

周伯琦字伯溫

陶宗儀云號玉雪坡真逸

饒州人以蔭授南海縣主

簿三轉為翰林修撰帝以伯琦工書法命篆宣文閣寶
仍題扁宣文及摹王羲之蘭亭序智永所書千字文刻
石閣中招諭平江張士誠拜江浙行省左丞留平江者

十餘年

吳寬平吳錄云伯琦被留於吳張氏為造第宅於乘魚橋北厚其廩給日與諸文士以文墨留

連因亦忘歸

伯琦博學工文章而尤以篆隸真草擅名當時

嘗著六書正訛說文字原二書

元史本傳

至正間初改奎章閣為宣文朝臣咸謂必命庫庫書榜時周伯琦雖在館閣精篆書未為上知庫庫日令書宣文閣榜十數紙周不識其意一日有旨庫庫書閣榜辭曰臣所能者真書不古古莫如篆周伯琦篆書今世無過之者上如其言召之書由是進用

天都載

伯琦篆師徐鉉張有行筆結字殊有隸體正書亦善書

史會要

伯琦古篆得文敏公遺意字頗肥而玉潤可愛

鐵網珊

瑚

周宗仁

周宗仁字克復

伯琦子

官山東行省郎中篆書宗家學然

不逮父

續弘簡錄

蔣冕

蔣冕字啓端工小篆從游周左丞伯溫之門

吳中人物志

饒介

饒介字介之臨川人自翰林應奉出僉江浙廉訪司事張氏入吳慕其名以為淮南行省參知政事家采蓮涇上日以觴咏為事書似懷素詩似李白自號華蓋山樵亦曰醉翁

列朝詩集

饒介草書亦飄逸

書史會要

饒介書圓勁暢朗神追大令

六研齋筆記

陳秀民

陳秀民字庶子溫州人博學善書至正中為武岡城步
巡檢知常熟州張氏時為參軍歷江浙行中書省參知

政事翰林學士

列朝詩集

蘇大年

蘇大年字昌齡號西坡真定人居揚州

列朝詩集云大年元末官翰林

編修避兵居吳張氏開藩特見
知遇用為參謀稱為蘇學士

工八分行書

書畫史

李繹

李繹字叔成錢塘人仕張氏以詞翰名家

甫田集

張仲壽

內臣張仲壽字希靜號疇齋錢塘人官至翰林學士承旨行草宗義獻甚有典則亦工大字

書史會要

宋嘉禾

宋嘉禾上黨人

圖繪寶鑑云伶優也見畫家傳

潛心書畫

書史會要

張與材

天師張與材字國梁號薇山別號廣微子封留國公作

大字有法草書亦佳

書史會要

張嗣成

天師張嗣成號太玄與材子亦善草書

書史會要

吳全節

宗師吳全節號閒閒番陽人制授特進上卿玄教大宗

師崇文弘道玄德廣化真人草書亦英拔

書史會要

丘處機

真人丘處機字通密號長春登州棲霞縣人詔贈長春
演道主教真人行草宗黃山谷書史會要

薛玄義

真人薛玄義字玄卿號上清外史貴溪人行書得體書

史會要

玄卿為學弘博好古書法為詩有飄飄凌雲之風道園

學古錄

玄卿早工於詩四方傳誦風日清美輒賦詩為行草書

方從義

道士方從義字無隅號方壺

見畫家傳

貴溪人工詩文善古

隸章草

書史會要

祝玄衍

道士祝玄衍號丹陽貴溪人能大字

書史會要

張雨

道士張雨字伯雨號句曲外史

玉山雅集云一名天雨號貞居子

錢塘

人博聞多識善談名理作詩自成一家字畫亦清逸

書

史會要

倪瓚云貞居真人詩文字畫皆為本朝道品第一

鐵網

珊瑚

高啓云貞居早學書於趙文敏後得茅山碑其體遂變
故字畫清道有唐人風格

同上

張來儀云張貞居生平慕米南宮之為人故其議論襟
度往往類之其詩句字畫清新流麗有晉唐人風流不

蹈南宮狂怪怒張之習

同上

文待詔云貞居書法先學松雪後入陶隱居稍加峻厲
便自名家

素中道游居錄

貞居書師北海閒學素師雖非正脈然自有一種風氣
四友齋叢說

張伯雨書性極高人言其請益趙魏公公授以李泰和
雲麾碑書頓進日益雄邁魏公平日學泰和得其舒放
雍容而伯雨獨得其神駿所以不同

六研齋三筆

鄭樵

道士鄭樵字無用號空同生盱江人作古隸初學孫叔敖碑一時稱善後乃流入宋季陋習無足觀者

書史會

要

趙宜裕

道士趙宜裕大梁人善古隸

書史會要

周蘭雪

道士周蘭雪信州人能篆隸

書史會要

孫德或

道士孫德或字用章眉山十一歲為道士未嘗忘讀書武宗賜真人號仁宗累加恩命管領諸路道教居終南山重陽宮

道園學古錄

馬丹陽真人碑至元癸未學士王利用撰孫德或書文頗詳腴而書尤勁有魯公遺意

王氏法書苑

李道謙

道士李道謙

世宗時人

金重陽王真人碑密國公瑋撰元道

流李道謙書之道偉有法

弇州山人藁

李志宗

道士李志宗

世宗時人

元重修說經臺碑李道謙撰李志宗

書

石墨鐫華

杜道堅

道士杜道堅

世宗時人

元希聲堂碑朱象先撰杜道堅書

石

墨鐫華

蕭善齋

道士蕭善齋號宗淵子至正間人工隸書有書道德經

傳於世 書畫史

蕭登

道士蕭登字從善工隸書 書畫史

釋帕克巴

帝師帕克巴土波國人采諸梵文創為國字 書史會要

釋溥光

釋溥光字玄暉號雪菴俗姓李氏大同人特封昭文館

大學士賜號玄悟大師為詩冲澹粹美善真行草書尤
工大字國朝禁扁皆其所書

書史會要

趙松雪過酒肆見帘字駐視久之謂當世書無我逮者
而此書乃過我問知為雪菴李溥光也因薦之朝

懷麓

堂集

釋溥圓

釋溥圓字大方號如菴

圖繪寶鑑云
俗姓李氏

河南芝田人居燕

京能詩於溥光為法弟遂學其書

書史會要

釋圓琛

釋圓琛字仲實山西人金末避亂留內黃善為詩兼習書法有以牋素請者隨手應之不厭結草廬城傍穿池引水種白蓮其中自號蓮菴大德元年卒

潘仲驂大名

府志

釋至溫

釋至溫字其玉號全無邢州郝氏子也博記多聞論辨無礙百家諸子之言多所涉獵又善草書有顛素之遺

法太保劉文貞公薦至溫可大用召見將授以官弗受

錫號曰佛國普安大禪師

道園學古錄

釋可中

釋可中字南山天台人真草師晉人甚工

書史會要

釋祖瑛

釋祖瑛字石室吳江人書學趙魏公

書史會要

釋允

釋允字中巖錢塘人書學趙魏公

書史會要

釋梵琦

釋梵琦字楚石慶元人工行草有書名書史會要

釋大智

釋大智字南溟天台人工正書書史會要

釋克新

釋克新字仲銘番陽人能文有雪廬集亦能古隸書史

會要

釋靜慧

釋靜慧字古明松江人正書師虞永興甚得其法但欠

清婉

書史會要

釋夷簡

釋夷簡字易道義興人書師張雨

書史會要

釋密詣

釋密詣字道初天台人書師虞永興

書史會要

釋慧敏

釋慧敏字仲膚天台人正書學晉兼能篆

書史會要

釋道原

釋道原字竺隱天台人能詩文行草有法

書史會要

釋永芳

釋永芳字草庭書學張旭

書史會要

釋明本

釋明本號中峰錢塘人居天目山仁宗賜號廣慧禪師
憩止處曰幻住山房手書遺蹟留院中者甚多賜謚普

應國師

松江志

明本書類柳葉雖未入格亦自是一家

書畫史

釋劉順

釋劉順住天目山有法語真跡小真行書

珊瑚網

釋宗衍

釋宗衍字道原吳人善書法至正初住石湖楞伽寺

碧

山堂集

釋懷深

釋懷深號慈受工字畫筆意圓熟動中規矩

潛溪集

釋行端

釋行端字景元一字元叟臨海儒家何氏子年十一得
度於餘杭之化城縣以餘力施於篇翰尤精絕古雅寒
拾里人藁

釋誠道元

釋誠道元號覺隱

見畫家傳

喜作狂草所書吳江長橋歌一

首極雄宕可喜

六研齋三筆

釋定

釋定成宗時人大都路香河縣坊市西道院仁公塔院記大

德三年八月比丘僧定書丹香河縣志

釋法楨

釋法楨號雪澗宗國寺隆安選公傳戒碑在千佛殿阼

階南僧雪澗書炙硯錄

釋福珪

釋福珪順帝時人天開寺碑至元三年沙門福珪撰并書國

門近游錄

釋正印

釋正印

順帝時人

元實際川禪師影堂逸事至正九年玉几

松月道人正印書

名蹟錄

釋洪注

釋洪注

順帝時人

天開寺碑至正十一年沙門洪注撰并書

國門近游錄

釋元旭

釋元旭

順帝時人

元名公翰墨卷有釋元旭書

冊瑚網

龍巖上人

龍巖上人善草書蒲道源贈詩云韓公浮屠多技能祇
今復見龍巖僧高閑懷素去已久肯向死灰求續燈手
追心慕忽有得筆底煥然無滯凝鐵為門限自茲始但
恐紙價相仍增蒲道源閑居叢藁

管夫人

管夫人道昇字仲姬吳興人

書史會要云趙魏公室

延祐四年封

魏國夫人翰墨詞章不學而能心信佛法手書金剛經

至數十卷以施名山名僧天子命夫人書千文勅玉工磨玉軸送祕書監裝池收藏又命孟頫書六體為六卷雍亦書一卷且曰今後世知我朝有善書婦人且一家皆能書亦奇事也

松雪齋集

管夫人書牘行楷與鷗波公殆不可辨同異衛夫人後

無儔

容臺集

王夫人

王夫人名圭卿號春溫曹伯啓題王夫人書畫卷後云

畫傳當代功尤妙字學前賢體更多

漢泉漫藁

巴延氏

巴延氏歡托和郡王太夫人也長清縣靈巖山寺中碑
至治元年巴延氏有詩二句曰巖前松檜時時綠殿上
君王歲歲春大字刻之不類婦人筆

金石文字記

趙夫人

趙夫人鸞字應善永壽部氏中書平章世延女中書參
政許有壬室朗惠厚靜能琴書善筆札

書史會要

游夫人

游夫人雷機母延祐間贈建安郡君夫人善書而有文

潛溪集

危氏

危氏諱德馨字蘭玉雷機室贈建安郡君通書記作字

有楷法

潛溪集

徐氏

徐氏如珪鄭天覺妻通論語孝經大義工書亦有法

貝

瓊清江集

劉氏

劉氏不知何許人孟運判妻也性巧慧能臨古人字咄咄逼真書史會要

柯氏

柯氏天台人九思之女通經史善筆札書史會要

段氏

段氏天祐之女能詩章善筆札書史會要

士女曹妙清

士女曹妙清自號雪齋錢塘人善鼓琴工詩行書點墨
皆有法度三十不嫁風操可尚嘗寫詩寄鐵崖鐵崖荅
之云紅牙管帶紫狸豪雪水初融玉帶袍寫得薛濤萱
草帖西湖紙價可能高玉帶袍其硯名列朝詩集

陳自幼

陳自幼能書適南潯姚氏一意奉佛有手書觀世音普
門品趙榮祿題其後六研齋筆記

比丘尼妙湛

比丘尼妙湛管夫人為寫長明菴圖妙湛小行書題其

上
珊瑚網

劉氏


劉氏名梁園秀歌兒也才藝精妙喜文墨能作樂府時

吟小詩亦佳字畫楷正

書史會要

御定佩文齋書畫譜卷三十九

謹案第六頁後六行郭囉元賓舊作歡問元賓今
改後倣此 後八行圖列圖舊作篤列圖今改
後倣此 第七頁前一行尼固爾舊作捏古今
改 第十二頁前七行烏延思敬舊作兀顏思
敬今改 三十二頁前三行巴延舊作八達歡
托和舊作忽都虎今並改 前七行永古特部
氏舊作雍古部氏今改



總校官庶吉士臣張能照

校對官庶吉士臣陳墉

謄錄監生臣薛翰